



Reykjavíkurborg

Borgarstjórnin í Reykjavík

Reykjavík, 11. janúar 2021
R20120040

Borgarráð

Erindisbréf - Græna planið - Starfshópur um hröð orkuskipti Reykjavíkurborgar og fyrirtækja hennar

Hjálagt erindisbréf starfshóps um hröð orkuskipti Reykjavíkurborgar og fyrirtækja hennar er lagt fram til kynningar.

Dagur B. Eggertsson

Hjálagt:

Erindisbréf starfshóps um hröð orkuskipti Reykjavíkurborgar og fyrirtækja hennar, drög.

ERINDISBRÉF

Græna plan Reykjavíkurborgar

Starfshópur um hröð orkuskipti í Reykjavík

Ábyrgðarmaður:

Borgarstjórinn í Reykjavík.

Inngangur:

Á fundi borgarstjórnar þann 2. júní sl. var samþykkt að unnin verði langtímaáætlun um fjármál og fjárfestingu Reykjavíkurborgar, Græna planið, sem byggi á sjálfbærni og skýrri framtíðarsýn um kolefnishlutlaust borgarsamfélag í samræmi við loftslagsstefnu Reykjavíkurborgar. Áætlunin verði unnin samhliða undirbúningi fjárhagsáætlunar vegna ársins 2021 og fimm ára áætlunar.

Á fundi borgarstjórnar þann 1. desember sl. voru drög að Græna planinu, sóknaráætlun Reykjavíkurborgar til 2030, lögð fram ásamt frumvarpi að fjárhagsáætlun Reykjavíkurborgar 2021 og fimm ára áætlun 2021-2025 til fyrri umræðu borgarstjórnar. Á meðal aðgerða Græna plansins árið 2021 er skipan starfshóps um hröð orkuskipti í Reykjavík, þmt í rekstri Reykjavíkurborgar og fyrirtækja hennar í þeim tilgangi að borgin og fyrirtæki hennar fari í eins markviss og góð orkuskipti á næstu árum eins og kostur er og verði fyrirmynd annarra.

Hlutverk og vinnufyrirkomulag:

Hlutverk hópsins er að gera tillögur með það að markmiði að ná hröðum árangri í orkuskiptum, greina flöskuhálsa og finna leiðir til að komast gegnum þá. Verkefni hópsins verði skipulögð til að takast á við einstaka þætti í einu og unnið í sprettum.

Helstu verkefni:

1. Orkuskipti í bílaflota borgarinnar og fyrirtækjanna úr brunabílum í hreinorkubíla, þmt skilgreina tímasett markmið um bann við kaup á bílum og tækjum sem brenna jarðefnaeldsneyti.
2. Markmið og aðgerðaáætlun um innviði, hvata og hleðslustöðvar fyrir fólksbifreiðar almennings og bílaleigubíla.
3. Markmið og aðgerðaáætlun um innviði, hvata og hleðslustöðvar fyrir leigubíla og annarra atvinnubifreiða í borginni.
4. Innviðir fyrir orkuskipti í almenningsgöngum, þmt Borgarlínu
5. Orkuskipti fyrir hafnir, skip og báta.
6. Önnur verkefni eins og við á og skv. mati hópsins

Starfshópurinn geri verk- og tímaáætlun fyrir einstaka verkefni, verkþætti og spretti og skipti með sér verkum.

Starfshópin skipa:

Guðmundur B. Friðriksson, skrifstofustjóri umhverfisgæða (formaður),
Fulltrúar OR, Sorpu bs, Strætó bs., Faxaflóahafna og Malbikunarstöðvarinnar Höfði, Hrönn Hrafnisdóttir sérfræðingur í loftslagsmálum auk annarra starfsmanna sviðsins eftir því sem við á.



Starfsmenn:

Sérfræðingur Orkuveitu Reykjavíkur starfi með hópnum auk þess sem starfsmenn Reykjavíkurborgar og fyrirtækja hennar starfi með honum eftir því sem við á.

Til ráðgjafar og samstarfs:

Starfshópurinn leiti ráðgjafar innan og utan borgarkerfisins hjá aðilum sem hafa sérþekkingu á viðfangsefninu. Haft verði samráð við samtök sveitarfélaga á höfuðborgarsvæðinu og fulltrúum þess boðið að taka þátt í störfum hópsins eftir því sem við á. Samráð verði einnig haft eins og við á við önnur sveitarfélög á höfuðborgarsvæðinu, Betri samgöngur ohf. og ríkið.

Starfstímabil:

Starfshópurinn geri verkefnisáætlun og skili tillögum vegna einstakra verkefna og spretta skv. verk- og tímaáætlun hópsins sem skila skal til ábyrgðarmanns fyrir lok janúar 2021.

Reykjavík, [Dags.]

Dagur B. Eggertsson